

NOTA DE PRENSA

SELMANA DE LES LLETRES EN TPA Y RPA

- *Martes 30 d'abril, Llectura de testos n'asturianu na Xunta Xeneral del Principáu d'Asturies*
 - *El sábadu 4 de mayu, Cantadera especial Cantares*
- *Actu institucional de l'Academia de la Llingua Asturiana na RPA*

Xixón, 26 d'abril de 2019

Con motivu de la 40 *Selmana de les Lletres Asturianas*, Radiotelevisión del Principáu d'Asturies (RTPA) emite una programación especial. Los informativos van incluyir noticies n'asturianu. *Conexión Asturias* va tar nos actos de la Selmana de les Lletres que trescurran nel so horariu. Va haber espacios pa la música y la lliteratura en llingua asturiana y una programación especial n'asturianu.

El sábadu 27 d'abril TPA a les 19:00 emitió el XI Premiu al Meyor Cantar. El “Premiu al Meyor Cantar” nació nel añu 2007 como reconocimientu del Gobiernu del Principáu d'Asturies a la creación musical en llingua asturiana o gallego-asturianu. El prestixu y sonadía d'esti galardón medra con cada edición, de manera que ye yá un referente ente los creadores musicales asturianos. Nestos años pasaron per él los meyores grupos ya intérpretes de la escena del país, con munches y diferentes propuestas que muestren la vitalidá y dinamismu de la música fecha en llingua asturiana y gallego-asturianu.

Cuatro fueron los finalistes d'esta edición: Los Berrones, Xaime Martínez, el dúu Lafu y Rebeca y la Banda de Gaites 'El Trasnó'. Esti galardón, pela primer vez, tien una dotación económica de 6.000 euros. L'actu tuvo presentau por Esther Fonseca y Naciu Varillas.

El martes 30 d'abril TPA y RPA van retresmitir la llectura institucional de testos n'asturianu na Xunta Xeneral del Principáu d'Asturies a partir de les 12:00.

El xueves 2 de mayu, la revista cultural *Pieces* súmase a la celebración de la 40 edición de la *Selmana de les Lletres Asturianes* con un programa especial nel que'l grupu de folk Fontoria presenta'l so primer discu, "Nordés"; repasamos con Xune Elipe la situación de la música d'espresión asturiana; l'autor de cómic Alberto Vázquez danos les claves principales del llibru "Los llazos coloraos"; l'escriptor Manuel García Menéndez presenta la novela "El faru de Gram", y falamos col grupu post-folk L-R de la so participación nel proyectu "Asturias sonora" col "Agarráu de Tresmonte".

El sábadu, 4 de mayu, en Cantadera vamos tener un programa especial *Cantares*. Van venir hasta'l nuesu plató Carlos Velasco, de Carbayín, que va interpretar 'Viva la xente minera'. Dende Cabrales visítanos Ricardo Balmori que va faer lo propio con '¿U vas tan ceo?' y 'Fartástime a panoyaes'. Carlos Rubiera, de Xixón, va cantar 'La capitana' y 'Sardinera de Xixón'. Alicia Villanueva, de Bimenes, 'Coyí d'un artu una flor', y 'Onde la nublina' van ser los cantadores d'esti sábadu. El músicu Toli Morilla va interpretar 'Magar la distancia'. Grupos de la talla de Nuberu col tema 'Aida de la fuente', Taranus con 'Ensin ti' y Asturiana Mining Company con 'Val.louta' tamién van tar.

La programación especial va seguir cola emisión de les pieces **10 lletres, 10 cantares**, con Anabel Santiago, Mariluz Cristobal Caunedo, Elle Belga, Toli Morilla, L-R, Ramón Blanco, Héctor Braga, Stormy Mondays, Ún de Grao, Fee Reega.

Amás, TPA va abrir la programación coles pieces de *Lletres femenín plural*, y los microespacios de lliteratura infantil y xuvenil onde diferentes escritoras y escritores asturianos van lleer los sos textos -Vanessa Gutiérrez, Berta Piñán, Esther Prieto, Irma González-Quevedo, Esther García, Marián García, Azucena Álvarez, Mari Luz Pontón, Alicia Álvarez, Ana Medina, Lucía Fernández, Laura Iglesia, Pilar Arnaldo, Pilar Sánchez Vicente, María Xesús Varela, Alba Carballo, Paz García, Ángeles Carbajal, Lucía Iglesias, Blanca Inés Fernández, Iris Trancho, Ismael González Arias, Vicente García Oliva, Dolfo Camilo Díaz, Maite González Iglesias, Rafael Cascudo, Enrique Carballeira. Y va volver a ofrecer el programa El club musical nel late night de la so programación.

Asinamesmu TPA tamién va ofrecer el conciertu d'ópera n'asturianu que'l claustru del Muséu Arqueolóxicu d'Asturies va acoyer.

ESPECIAL SELMANA DE LES LLETRES NA RPA

La Radio del Principáu d'Asturies (RPA) va realizar distintes emisiones en llingua asturiana. Nesta ocasión, van emitise 25 espacios distintos rellacionaos cola hestoria de la música n'Asturies, nun ampliu percorríu por autores, estilos, músicos. Caúna de les pieces va emitise dempués los boletinos de noticies.

RPA va retresmitir tamién, como tolos años, l'actu institucional qu'entama l'Academia de la Llingua Asturiana con motivu del Día de les Lletres. L'actu va celebrase nel Teatru Campoamor, d'Uviéu, y la radio pública asturiana va dar cuenta, a lo llargo de les cuasi dos hores que dura la Xunta Extraordinaria de l'Academia, del nomamientu de los académicos nuevos y del discursu del presidente de l'Academia, Xosé Antón González Riaño. La retresmisión, el vienres 3 de mayu, va empezar a les 20:15 hores y va rematar a les diez de la nueche. Esti espaciu va tar conducíu por Naciu Varillas.

Amás, destacar que RPA ofrecerá una programación musical especial íntegramente asturiana.